

شہ رزاق

ایمان معاذ



شهرزاد
إيمان معاذ



إصدار مؤسسة سيناء للتنمية

الطبعة الأولى
القاهرة ٢٠٠٤

الطباعة
درا المنار للطباعة
ت: ٦٢٢٧٣٧١



تقديم

الكلمة أصل الخلق .. فالكلمة
كائن حي .. يولد .. ويحيى .. ويموت
.. ويبعث يوم القيامة بإذن الله والله
المثل الأعلى القائل فى كتابه العزيز
بسم الرحمن الرحيم (وكلمة طيبة
كشجرة طيبة أصلها ثابت وفرعها فى
السماء تؤتى أكلها كل حين بإذن ربها) صدق الله العظيم.

وفى طيات الكلمات تبعث أعظم وأرقى المعانى وتنبعث
أحلى وأجمل الألحان "وإن للبيان لسحر" ومن دواعى
فخرى وسرورى أن نرعى عملاً ثقافياً يرقى بمفردات اللغة
الجميلة وبمساحات المعانى العميقة التى تصدر فى إحساس
صادق وتتبع من وجدان متحرر وقلب مخلص.

أنها الابنة العزيزة / إيمان معاذ فى أول ديوان شعرى
لها ملئ بمعانى جميلة وأفكار نيرة تعبر عن لسان حال واقع
استشعرته فملك وجدانها فكان هذا النتاج الطيب الذى يتصدر
السلسلة الثقافية التى ستتولى إصدارها مؤسسة سيناء
للتنمية لتتبنى كل الموهوبين فى المجالات الثقافية المختلفة
من فن وشعر وقصص قصيرة وأدب وخلافه.

إنها باكورة مولد جديد لموهبة جديرة بالاحترام
والتقدير والتشجيع.

مؤسسة سيناء للتنمية

رئيس مجلس الإدارة

دكتور / حسن كامل راتب

إهداء

إلى أستاذى الكبير ...

الأستاذ الدكتور / حسن راتب

الذى علمنى كيف يكون عشق الأرض
وتحدى الخال

المغامر ... الرحال

الذى أشهدنا كيف يكون بالحب تنطق الرمال

بحديث هو ما لديها من خير وجمال

رجل الثقافة والفكر ... ورجل الأعمال

أهدية كتابى الأول ... تقديرا لما قدمه

لى من دعم ومساندة كما أهديه ...

إلى من هدانى شمعة فأضأت لى قلبى وطريقى

إلى وطن يسكن قلمى وضميرى ... إلى زوجى

وصديقى


إلى كل من سبقنى بالفكر والعطاء

إلى الحبيبة سناء

مع خالص حبنى وتقديرى

إيمان فريز معاف

شهر زاد



شهرزاد

الحكاية يا أمير

ها حكيتها لك من البداية

مش هاغنى للبطولة والكرامة

مش هاخبي جرح نازف بالمهانة

مش هابراء نفسى من كل الإدانة

هاحكها لك بالأمانة

من أول سنة أولي حضانة

لما عرفت إن أنا إنسانة

كان العالم كله بيجرى جوا

عروقى

أولاد سام .. وأولاد حام

وأولاد يافث .. هم جدودى

الكورة الأرضية .. حدودى

ولما طولت وشديت عودى

ونويت أشعر بوجودى

جوا الأرض غرست البذرة

وحلمت لها .. تطلع نبتة ..

تكبر شجرة

تطرح حب وخير وسلام .. للبشرية

رحمة وعدل ونصرة قوية .. للحرية

أحلامى كانت وردية

لكن لما كبرت شوية

واتأكدت إن أنا عربية

وشعوبى خلف الكواليس

الأحلام باتت كوابيس

البذرة نبتت متاريس

والشجرة طرحت أباليس

أسلحة وقنابل ذرية

بتديرها أنظمة منحلة

والموازين عندنا مختلة

كل الأرض بقت محتلة

أرض عليها جنود أغراب

وأرض عليها ملوك أغراب

غربة ونخوة .. وغربة دم

دم إخوانى غرق راياتى

هز كرامتى

زق فى وشى ألف علامة استفهام

ندفع كام وتعود الأرض ؟؟

ندفع كام ونصون العرض ؟؟

كل عروضنا مش مقبولة

نرجع تانى الخطوة الأولى

منطق قوة بدون الأخلاق

حكم الأرض .. شل إرادتى

خلانى أعشق أشتاق

لون الدم .. دم عدوى
واستتكرت لونه فى دمي
مش معقول أنا وانت
وهو وخالي وعمى أولاد سام
يبقى حرام
لكن أنا بنت الإسلام
والإسلام هو رايتنا
جوا فى بيتنا وف خلوتنا
وقضيتنا تعلا رايتنا
ونورها يوصل للسما
لوغير كدا يبقى العمى
على قلب كل المسلمين
اللى زاروا الكعبة مرة أو مرتين
ولسة للضعف اللعين
مستسلمين وممسوخين
زى السطور المسوخين

لو يكونوا ميتين أكرم لهم
أكيد هاييجي جيل جديد من بعدهم
يرفع رايات النصر وهكون منهم
وإن كنت بين الميتين
روحي هتتعم وسطهم

دى الحكاية م البداية
ولسة باقى ع النهاية كلام كتير
إنت سامع؟؟
إنت فاهم يا أمير؟؟
لسة باقى كلام كتير..

حدوته
الوطن الحزين...



حدوتة الوطن الحزين

احكى يا وطنى الأمين

حدوتة حلوة

لجل ما ننام مبسوتين

قبل ما احكى اعذرونى

لو كلامى كان حزين

اصلى توى فقدت ولدى

كان عكازى اليمين

كان شجاع .. كان غنى .. كان كريم

بعد منه

للأسود بقيت سجين

والحكاية بحكيها لكم من العرين

إسمعونى

قبل ما صمتى يحين

لما كان الجو هادي
والولاد متفرقين
كل واحد شاف له لعبة
قلت أنا ملي حبتين
حبتين صبحم سنين
والولاد .. متشتتين
ع الحشيش رقدوا الوحوش
كام واحد من الصغار
قربوا ما يفهموش
مبهورين بالقوة فيهم
مجدوبين ليهم بطيش

الوحوش مش طيبين
بس كانوا شبعانين
والولاد بأكلهم متكلفين

ولأن العدوان أماره

قلت أنا .. وأبقى أفوق

لما توصل الإشارة

فجأة ولعت الشرارة

لما واحد من الولاد

ضرب أخوه بقوته

الوحوش وقعوه

طمعوه فى لعبته

أخواته حاولوا يكتفوه

يوبخوه .. يفهموه غلطته

ظنوه خطير .. لما هبل

وصار يهدد .. الصغير والكبير

والدم سال

وكان محال

حد يمنع الوحوش

فجأة نطوا جوا بيتنا

طوؤه

قال هيجملولنا ولادنا من ولدنا

كتفوه .. جوعوه

جم .. عشان يأذبوني

مش عشان بأذبوه

هان على أخواته

اللى باعوني .. وباعوه

هان عليهم لجل غلطة

يسلموه

للوحوش .. ويقطعوه

بس عمره ما يوم يهون

على قلب قدره يكون

أبووه

قلبي السجين هيبات

حزين

ولا ينسأهوش

وأولادى لسه مجذوبين

ما اتعلموش

لساكوا برضو مسدقين

إن الوحوش ممكن تغير طبعها

وليكم تلين «

وبدال ما تاكل حمة نية

وجته حية

تاكل زيتون .. وبلح .. وتين «

لساكوا برضو غفلانين «

تاهين عن النور والصواب «

يا عميانين .. حسسوا

يمكن ايديكم تتحشر

بين النياب

يمكن عذابكوا ف قريبهم

يشفع لكم

من قسوة اللوم والعتاب

يا جهلكم

كان امتى ممكن يا للغنم

ترعاه ذئاب ؟؟

كان امتى ممكن يا غنم

ترعاك ذئاب ؟؟

لما بات الجو أغبر

والولاد متجمعين جوا حضنى

محزونين .. مفزوعين

القلوب ع الغالي تبكى

والعيون سهرانيين

والغنا ينحب .. ويندب

والوحوش مترسائين

من نفطنا .. مدفيين

من دمنا .. شاريين كاسات

وسكرانين

متلذذين بلحمنا

مش شعبانين

فوق جرحنا .. وفوق حلمنا

متطوحين

بيخططوا ويدبروا

التانى مين ؟؟

ونصيّدوا فين ؟؟

قلت أنا م لي حبيتن

يمكن أحلم بالسلا م

والليل يطول

يمكن أحلم بالجهاد

أو بدقات الطبول

يمكن أخرج من العرين

أسد جريح للانتقام

قلت أنا

قلت أنا

لأنني مسلم...



لأني مسلم

لأني مسلم .. مش هابقى زيك

النار ديليك .. والغدر طبعك

زورت دينك .. قتلت رسلك

ضليت طريقك .. توهمت شعبك

إيه راح يفيدك !! خسرت ربك

لأني مسلم .. مش هابقى زيك

لأني مسلم

طول عمري ديني بالحق غلبك

طول عمر صوتي بيرج قلبك طول

عمري باعمل حساب لغدرك

لما ضعفت

صويت ليه نارك وغلك

قتلك بنتي .. جرفت أرضي

هدمت داري هتكت عرضي

حقى وتارى راح اخده منك

لا هاذى بنتك .. ولا حتى أمك

لأنى مسلم .. مش هابقى زيك

لأنى مسلم

راياتى بيضة .. بلون ضميري

الرحمة .. نبراسى ودليلي

خيرى وديما .. وهبه لغيرى

تأذيني أوجاع الطفولة

حتى لو كانت فى شعبك

قوللى أيه معنى الرجولة

لونا سلاحى على قلب طفلك ؟

الطفولة هى الطفولة

كانت فى شعبك ولي فى عدوك

حقى وتارى .. راح أخده منك

لا هأقتل أبنيك .. ولا حتى جدك

لأنى مسلم .. مش هأبقى زيك

لأنى مسلم

أصلى وطبيعتى .. عاقل ورأسى

دينى وشريعتى أحنيلها رأسى

كل ألوان البشر ف الله سواسى

عمرى ما كون للفضل ناسى

أما أنت طبعك .. جامد وقاسى

عايم وشعبك .. فى بحور معاصى

أيوه صحيح

الوقت وقتك .. والعصر عصرك

وقوة عظمى .. بتحمى ظهرك

وأن قرارك من جوا دارك

أما قرارى .. أنا باخده منك

ميت ألف مانع بيحوشنى عنك

ضعفى فى حكامى .. وسلاحى

أما أنت ضعفك من جوا قلبك

أوعاك يغرك .. صمتي وقهرى

دأنا جوا منى بركان بيغلى

فى يوم هيخرج ويفك أسرى

فى يوم هقالبك .. فى يوم هاواجهك

واليوم بقول لك

لأنى مسلم .. مش هابقى زيك

لأنى مسلم .. مش هابقى زيك



نعيمّة الأخرس

أمّ الشهيد

نعيمۃ الآخرس

سيدة فلسطينية فقدت ولداها فى أقل من ٢ ساعة ، حين
استيقظت صباح يوم مشؤوم على صوت بلدوزر أعمى ، جاء
ليهدم دارها ، صدى ابنها (وائل) الأكبر ٢٠ عام لأحد جنود
الاحتلال فأطلق عليه النار ليرديه صريعا يصارع الموت أمام أمه
التى سارت تصرخ وتبكى ، فيحذرهما أبنها قبل ان يرحل لا
تبكى يا أمى فإنهم يفرحون بحزننا، وقهرنا .. ويطلب منها أن
تزغرت بدل البكاء .. فلا تستطيع .. وكيف تستطيع ؟؟ وخرج
الصغير (جهاد) ٨ عام مصرا على الانتقام لأخيه، وفى المساء
يعود إليها إخوة القردة والخنازير حاملين جثمان الصغير،
فيلقونه أمامها قائلين والفرح فى أعينهم ، والفخر يملأهم ..
قتلنا أبتك الثانى .. فلا تملك نعيمة إلا أن تزغرت .. وتزغرت ..
دون وعى .. فتترى القهر والخزى فى أعينهم .. ويغادرون
تاركين من خلفهم .. البيت مهدوم والأولاد قتلا ..
وصدق الله العظيم حين قال فيهم فى كتابه الحكيم ..
(وَقَلَسْتَ قُلُوبَهُمْ فَلَا يُؤْمِنُونَ بِالْحَيَاةِ الْآخِرَةِ أَوْ أَنَّهُمْ قُلُوبُهُمْ)
لعنهم الله بظلمهم ونصرنا عليهم ، وتقبل شهدائنا .. وصبر
نعيمۃ ومن مثلها أمهات المسمين ..
اللهم آمين

طيور فوق مدنة الأقصى

المؤمنين

عجب الرسول من أمرهم

إن جأهم الخير والنعم

سجدوا وشكروا ربهم

وان أصابتهم مصيبة

صبروا ونالو وعدهم

راحة .. وجنات الخلود

يا بختهم

طمع العدو ف أرضنا

ما بينتهش

بس المقاومة ف شعبنا

ما بتتطفيش يا أم وائل

ع الولاد ماتعيطيش

ولا تصرخيش

ماتوا الولاد

وفى كل يوم هيموت ولاد

جل ما فلسطين .. تعيش

جل ما الاقصى تنور شمعته

ولا تنطفئ

(ما تفرحيش فينا العدو)

قلها لك الابن الكبير

قبل الرحيل

واما الصغير حصل أخوه

كان البديل

زغروطة .. حرق قلبهم

حسستهم إنهم .. بظلمهم

بيهدوا دار

لكن بينوا جوا منا ألف دار لسجنهم

رحلوا الولاد بجسمهم
عن دارهم المهذوم
وسكنوا حلمهم لكنهم
بيخلقوا زى النسور
فوق مدنته اقصى
وفوق كل الصدور
شعاع من نور
يجعل من الطفل البرئ
أسد جسور
لا يهتمه صوت الطيارات
ولا حتى صوت الدبابات
وبعدى من فوق ألف سور
عصفور.. ولكن
بكره القريب هيتقى مارد

حاکم وفارد سطوته

وبدینه عادل

یا أم وائل

دارى دموعك .. وقلبك المقهور

ما تعطيش سير الطابور

أولاد كثير ف الصف

واقفين يحلموا

إمتى يطبروا بحلمنا زى الطيور

فوق مدنة الأقصى

وفق كل العصور

بجناح متين .. مالهش ريش

یا أم الشهيد .. ما تعطيش

ولا تحزنیش

ماتوا الولاد

وف كل يوم هيموت ولاد

جل ما فلسطين تعيش

جل ما الأقصى ينور شمعته

ولا تنطفئ

ما تعيطش ... ما تعيطش

كلماتين

فُوقَ لِنَفْسِكَ

كلماتين

ياللى شالك فوق ودانك من سنين

إنت مين ؟؟ إنت فين ؟؟

إنت شرقى ولا غربى

ولا بين الجبهتين ؟؟

إنت عايش هم أهلك

ولا عايش جوه نفسك ؟؟

فوق لنفسك

الصهاينة فهموا طبعك

درسوا كل حاجة عندك

عرفوا امتى يخافوا منك

وامتى منك ما يخافوش

لما بات همك وفرحك

لما بات رضاك وغضبك

زى بعض .. ما يفرقوش

اللى يفرق الرتوش

مرة ظاهرة .. ومرة باهتة

مرة فاقعة .. ومرة مائعة

جوه بروازك وصورتك

ليه سجين ؟؟

انت مين ؟؟ انت فين ؟؟

انت شرقى .. ولا غربى

ولا بين الجبهتين ؟؟

جوة منك شعب أعزل

بات يكافح بالحجارة والتراب

وانت فوق النفط عايم

وف إيدك دفتر حساب

تحسب الخراج بكام»

والنهاردة الدخل كام»

لفوا فى رقبتك لجام

لجل يحملوك مصالحك

اللى يدفع يبقى صاحبك
واللى يحتاج لك عدوك
لو أخوك
علموك .. المؤامرة ع الشعوب
علموك .. إزاي تدوب
كل يوم فيك الرسالة
علموك حق الندالة
دفعوك ثمن النصور المجروحين
قبضوك ثمن القضية .. كلمتين
بيعوك الميتين
سلسلوك جوا نفسك
فوق لنفسك
كل يوم بيعدى فصل
من فصول المسرحية
والنهاية المأسوية .. هيه .. هيه
وانت فى إيدك القضية
بس خايف .. خوف بيخرس

كل حاسة من حواسك
خوف ييملى عليك كلامك
والكلام ماهوش كلامنا
وانت منا
واحننا منك غصب عنا
ياما .. حذرناك وقلنا
مد جسر متين ما بيننا
سلح القوة اللى حق
هتحمى ظهرك
راعى أهلك .. عود لربك
قبل ماتولع بحورك
والملايكة يطفوا نورك
وبغورك نتجرف ويا الطوفان
والسفينة يركبوها
اليهود .. والأمريكان

ياللى ما بين البينين

انت مين ؟؟ انت فين ؟؟

انت شرقى ، ولا غربى ،

ولا بين الجبهتين ؟؟

انت عايش هم أهلك ؟؟

ولا عايش جوا نفسك ؟؟

فوق لنفسك ...

فوق لنفسك ...

تعبنا شوق



تعبنا شوق

إنفض همومك يا وطن

وانهض وفوق وارجع

لمجدك القديم

تعبنا شوق

إحنا الفوارس يا وطن

وانت الفرس .. عربى وأصيل

طال الطريق وتعبت .. لكن

كفاك بكى وكفاك عويل

لو يبعدونا ألف ميل عن حلمنا

أو يجبسونا جوا فكر مش لنا

نور الإيمان ف صدرنا

أعظم دليل

جوا السبق إصعد وميل

عدى حدود المستحيل

كام ألف مرة إستهدفوك؟؟

وكتفوك وعزبوك؟؟

كام ألف مرة زرعت أرضك

نار وشوك؟؟

للغزاه والطغاه والملوك؟؟

مالك هزيل .. أصفر نحيل

ضعفت ولي إستضعفوك؟؟

يا وطن

لو ينزعوك من جلد جلدك

ويحولك عن أصل دربك

والأمريكان يأمر كوك

ولي اليهود يهودوك

لابد ماتغلب أصولك

تنبت جذورك

يضوى نورك بالسامحة والسلام

على كل جيل

من بعد جيل

من بعدنا

بكره اللى فرق شملنا

واللى ركن على عرشنا

واللى ضعفنا وذلنا

يموت ويرحل عنا

وتعود لنا

يا حلمنا القومى المجيد

إنفض همومك يا وطن

وإنهض وكافح من جديد

بعد الصيام .. والإعتصام

لا بد عيد .. لا بد عيد

لازم تعود



لازم تعود

ماكنش صاحبى ... ولا كان زميلى

ولا كان دليلى ف رحلتى

ويا الزمان

لكنه ساحر ... بنظره واحدة

من عنيه

يتبدل الخوف ... بالأمان

بلمسة واحدة من إيديه

وقت السلام

ألقى السلام مع نفسى

من بعد الخصام

وأيه أقول ؟؟

أيه أقول لما المبادئ والأصول

فى قصتى تبقى العزول

أيه أقول ؟؟



ماكنش صاحبي ..

ولا كان زميلي

ولا كان دليلي ف رحلتي

ويا الزمان

أستاذي يا رمز الرجولة

يا صاحب المليون وسام

كل شعرة لونها فضي

ليك وسام

رسام ورسم حلم عمري

فوق جيبك بالكلام

كلمتني عن الوجود ..

عن الصمود

علمتني إن المسافر مهما

طالت رحلته

لازم يعود

الأهل قالوا كلمتين
ورحلت عني بكلمتين
ولسه باقى كلمتين
لازم تعود

ماكنش صاحبي .. ولا كان زميلي
ولا كان دليلي ف رحلتي
ويا الزمان
استاذي يا صاحب كتاب المعجزة فين
معجزاتك؟؟

عمري الصغير نص عمرك
شاب من لحظة غيابك
يا حب عمري .. يا كل عمري
الوجود من غير وجودك
مش وجود

والصمود مهما طال ليه حدود

والمسافر مهما طالت رحلته

لازم يعود

الأهل قالوا كلمتين

ورحلت عني بكلمتين

ولسه باقى كلمتين

لازم تعود .. لازم

لازم تعود



حزن الخريف

حزن الخريف

يا شموعنا ياللى نورت لبنا الحياة

يا حضن دافى وأعلى نعمة

م الإله

رحلة حياه

والكل ماشى فى الطريق لمنتاه

وأنا كنت ماشيا وكان منايا

أجمع الأفراح فى صحبة

وأدوس على الأحزان ورايا

وقبل ما أوصل للنهاية

بدأت فصول أعجب روايا

شفت الخريف وسط الزهور

من خلف سور ... شارد ... حزين

زى السجين

وهمس يشبه الرجا

وصوت كأنه م السما
بيقول يا بنتى
طول السنين فوق الجبين
فى عمر ستى
الشعر فضى
والقوام واقف تحدى
والدموع متدارية
مده إيدها المستحبه
بورقة تشبه الجواب
خفت .. لكن حلفتى
أوصل العنوان وأبلغ نور عنيها
الى جابها الدار وفاتها من سنين
بتقول نسيها

بلغيه أنى بحبه وروحى فيه
وصلى له الجواب

بس أوعى تفتحيه

حلفيه بنور عينييه

حلفيه بكل نقطة دم منى

قبل ما يطلع نهاره

فكريه بطعم لبنى ... طعم أكلى

طعم حضنى ... لما كان يبعود لداره

إوعى منى تزعليه

او تحاولي تأنييه

فكريه ... يمكن نسانى

رجعيه لحضنى تانى

قبل ما يعدى الربيع ...

ويفوت أوانى

ورحت للعنوان ... قالولي

خد ولاده وسافروا بره من سنين

واترميت على الأرض أبكى

واسأل الولد اللعين

أنت مين ؟؟

واللى قاعده فى إنتظارك . تبقى مين ؟؟

فهمونى يا مسلمين ؟؟

ياللى فت التور ورايح للظلام

جيت كام ؟؟

تسوي كام من غير دعاها ؟؟

فين هاتهرب من نداها ؟؟

الآلم وجه خطايا للطريق

ولقتنى فجأة جوا حزن

ألف أم .. وألف أب .. وميت صديق

وصحبة حلوة م الربيع .. وبدرتها

والأم عوض صبرها عن ابن عاق

بألف أبـن

والأب ونس وحدته ..

بألف بنت

يا شموعنا ياللى نورت لنا الحياه
يا حزن دافى وأعلى نعمة من الاله

رحلة حياه

والكل ماشى فى الطريق لمنتهاه

والعجيب .. لأ .. والطريف

إن النهار مهما طال

بينتهى بليل مخيف

والربيع يصبح خريف

الربيع يصبح خريف

آنا کرینینا



أنا كرنينا

أنا كرنينا الحزينه

لما دابت فى الغرام

فات عليها درس هام

درس ما يتقال كلام

والتمن .. كان عمرها

بس ملايين مننا

إتعلموا من بعدها

درس الحياه

أنا .. حاولي تسمعيني

عندى ليكى كلام كتير

بس أرجو تعذريني

لو كلامى كان ثقيل

لما ظلمة وحدتك

ووحشتك .. لعيون صغيرك

شدتك للمستحيل

كان إختيارك الرحيل

ظلمة القبر الصغير

كانت عليكى أرحم كثير

من ظلمة القبر الكبير

وانتحررتى .. مش بالومك

بعذرك

الحبيب والزوج .. ازوكى

عذبوكى

مزعوكى قبل ما يعدى الترام

على جثتك

ووقفت أراقب نظرتك

فى عيون حبيبك

كانت النظرة الأخيرة
طولت .. وعلمت
فى قلب قلبى دروس كثير
لما لحظة إتحوّلت
من نظرة دايبة فى الغرام
لإتهام .. وانتقام
وانقطع جبل الكلام
بينك وبينه
من العذاب الحب طار
زى الغبار
وبقيتى عار .. حتى عليه
عرفتى ليه ؟؟؟
أنا مش بالومك أو باعتبك
لأن فيه فى الدنيا زيك
مليون شهيدة للغرام
بيحبوا . لكن . من غير عقول

علشان كده .. أرجع وأقول

لازم أقول

أنا كرنبنا الحزينه

لما دابت فى الغرام

فات عليها درس هام

درس ما يتقال كلام

والتمن؟؟ كان عصرها

بس ملايين مننا

إتعلموا من بعدها

درس الحياه



كلنا بنحب مصر

كلنا بنحب مصر

فى كل وقت وأى عصر

الصغير والكبير ، الغنى والفقير

اللى ساكن أعلى قصر من قصورها

واللى سقعان جوا عشة جنب نيلها

واللى جوا حضنها

واللى متغرب بعيد

كلنا بنحب مصر

اللى ساكت جوا خوفه

وصاحب اللسان طويل

واللى عالي ونجمه ساطع

حتى أطفال الشوارع

كلنا بنحب مصر

بس مين يقدر يغير

لون صفار التوب

بتوب أبيض مزهر ؟

مين يفكر

يوصل عقدها الباهت

بعقد مرمر .. مين يدور

جوا جيل من خلف جيل

ويرجع الزمن الجميل

ويرجع المصرى الأصيل

صاحب الفكر الحضارى المستنير ؟

كلنا بنحب مصر

بس مين فينا يرفض الانبهار

بعالم الغرب والآته

وفن أسلحة الدمار ؟؟

مين يقدم إعتزاز ؟؟

عن كل خطوة غربتنا .. وغيرتنا

وأخرتنا عن مواكب الانتصار

كلنا بنحب مصر

بس مصر تحب مين؟؟

غير ولادها المخلصين

اللى صاموا عن خيانه عهدها

واما فطروا بلوا ريقهم

من دموع عدوها

مصر بنحب الولاد

الطيبين ... المنتجين

اللى قاموا الفجر صلوا

ركعتين ... وركعتين

لما نور الحق نورع الجبين

حلمت لهم .. دعيت لهم

بياتوا يصحوا كلهم

صلاح الدين

مصر الكنايس والمساجد ضلها
مصر محتاجه اللى يوصل ربها

دول أملها وحلمها


دول شبابها ومجدها

دول حقيقى شعبها

كلنا بنحب مصر

كلنا بنحب مصر

تكنولوجيا المستقبل



تكنولوجيا المستحيل

تكنولوجيا المستحيل

مش بسيطة .. صعبة جدا

بس ليها ميت دليل

واللى بيوزع دليلها فى بلاد

المسلمين

كلب .. تعلب .. ناقصه ديل

مستحيل تفر منه

زيه زى عزرائيل

تكنولوجيا المستحيل

نية صفيه للتقدم والحضارة

آله قادرة تحول الصعلوك أمير

بس لو كنت الفقير

لابد تحذر سمها

تفهم أصولها وفنها

دى لدغة واحدة منها

ترديك قتيل

تكنولوجيا المستحيل

نضفت مصنع بلدنا م العمالة

شرفتنا بالبطالة

قدمتنا فى علوم فن الشحاتة

دربت الحر فينا .. إزاي يكافح

بس شرط .. يكون زليل

تكنولوجيا المستحيل

عودتنا ندوس ظراير

كل شئ لوحده داير

غسلاتنا ، اليوم بتغسل وحدها

وأم حنقى بقمهرها

فى البيت بتلعن فقرها
منين تجيب بؤجة كفنها وقبرها
كانت بتأخذ أجرها .. ويتدعى لنا
انهارده شئ غريب بقى سارى
فيما

قلت البركة فى مالنا وف عيالنا
وحلمنا ضاع من ايدينا
بس كان العيب علينا
مش هننكر الحضارة والتقدم
الجميل

الى صابنا من عيون

تكنولوجيا المستحيل

تكنولوجيا المستحيل

وصلتنا بكل غربى .. بكل هندي

قصرت لنا طريق الألف ميل

علمتنا نلاقى للأخوة شئ

بديل

كل عربي منا فارق العروبة

حط فوق القلب طوية

وفوق عيونه عدسة زرقاء ملونة

لونت دم الشهيد على أرضنا

بلون جديد

والسماعات بالموسيقى الأجنبية

في ودنا

غطت على .. صوت الأذان


صوت الأثم .. صوت الضمير

وده يا صاحبي أكبر دليل

على نجاح

تكنولوجيا المستحيل

صوت الأقصى



صوت الأقصى

أمر الإله ، آدم بنانى
تانى بيت للمسلمين
وكان بنى الكعبة الشريفة
قبل منى
بسنين عددها أربعين
عشت أنا دليل .. لكل المؤمنين
إن ضاع إيمانهم ، ضعت منهم
وإن زاد إيمانهم ، كانت ليهم
الحضارة .. والمنارة للى تاه
وحصن آمن للأئمة والدعاه

عشت آلاف السنين
من عهد آدم وأبنه شيث
لعهد إدريس العظيم
وفى عهد نوح ، كفر الأنام
الكل كذب ، الكل نام
ونوح ينادى ويدعى فيهم ألف عام

صحيوا ولكن .. ع الطوفان
طوفان رهيب
هدم الكعبة الشريفة ، وإنهدمت
وكل شئ ع الأرض .. كان
وفوق جبل صلب وعتيد
تقف السفينة ، ويتولد عالم جديد
من نسل نوح
والأرض تانى بسرها
ترجع تبوح
ويهل نور الإنسانية بالرسل ويا الدعاه
وبعدل ربى ، ورحمته
يأمر عباده بالصلاه
بس البيوت اتهدمت
وكل ما آدم بناه

أمر الأله
يا إبراهيم .. خذ إسماعيل
وطهروا بيتى الكريم
وارفعوا فيه القواعد ، وابنوا تانى كعبتى

واندهوا ليها العباد ،

واجعلوها قبلتي

ملجأ أمين .. وبيت لكل المؤمنين

أما أنا

يتولد على أرضي هنا

لإبراهيم ، ابنه العليم إسحق

ومن نسله الكريم

يعقوب ويوسف وبنيامين

ويكون كما من نسلهم

موسى .. وهارون .. الصابرين

على شعب من أسوء شعوب الأرض

متمرد .. لعين

يأمرهم رب العباد

يدخلوا أرض الميعاد

على العتاة الجبارين

بس اليهود الملعونين

رفضوا الدخول والأنصبياع

وعصوا الإله

وكان جزائهم الضياع

الكل تاه

على أرض سينا أربعين

وتمر من عمرى السنين

ضايح حزين

أرض ومكان .. معنى وزمان

بلا بنيان .. ولا إنسان

ولأنه شاهد ورحمته فوق الحدود

يبعث نبيه وبه وجود

يجمع طالوت جيش م اليهود اللى من خطاء

الحدود أتعلموا

والدرس كان قاسى وعنيف

والعدو فى أرضى كان جبار مخيف

جالوت

ومحصن جنوده بالحديد

ويهب أصغر جندنا

صلب .. وعنيد

داوود .. يصبوب خنجره

يصيب الوريد

وبفضل ربي يجعله

أعدل ملوك الأرض

ويكون الرسول

لأنه كان أواه .. شكور

وكان جسور

يوصل مكاني ويشتريه

من يهودى بسعر غالي

ولو بملكه لكان شاريه

لكنه يرحل

قبل ما يكمل بنائي

ويكمل الأبن اللى باقى

بعزيمة ، وصبر ، وإحسان

ويساعده فيه .. إنسى وجان

يرحل سليمان الأمين ..

وأنا باقى

دليل لكل المؤمنين

إن ضاع إيمانهم ، ضعت منهم
وإن زاد إيمانهم ، كنت ليهم
الحضارة والمنارة .. للى تاه
وحصن أمن .. للأئمة والدعاة

فاتت سنين
وضعفوا تانى المسلمين
واستوطنوا أرضى الرومان
وبرحمة الله الرحمن
ييعتلى فيهم تلاته من رسله الكرام
زكريا ويحيا
وعيسى عليه السلام
اليهود الملعونين .. ما إستقبلوهم
ولا فرحوا بيهم
قدموهم للرومان مقتولين
واتشفوا فيهم
وبظلمهم عاشوا قرب
الألف عام
تحت وطأة الرومان

إستعبدوهم ، زلوا فيهم

دوقوهم الهوان

ومن وسط أكوام الركام

والجاهلية والظلام

تهل ليلة القدر ... وتنور سمانا

ويضوى نور البدر

من وجه الله جانا

جانا رسول الله ... رحمتنا ومنانا

ومعاه كتاب الحق وبنوره هداانا

لما أزاه المشركين

وكذبوه وهو الأمين

شكا لرب العالمين

ضعفه ، وليه غير ربه ميين ؟

ويحمله رب العباد ... فوق البساط

بمعجزة غلبت جميع المعجزات

ويزوره أرض الميعاد

نصر وثبات

ويؤم على ساحتى

جميع الأنبياء والمرسلين

ومن على ارضى هنا

يصعد نبينا للسماء

وتانى يعود

برسالة هى فى أصلها

أصل الوجود

ويجود عليا ربنا .. تلتاشر سنة

يجعلنى قبلة للرسول والمسلمين

يتعلق القلب الأمين بمحبتى

يسمع أنينى فى غربتى

يبعت جيوشه لنصرتى

ورغم قوة عزمهم

وانتحارهم فى القتال

إلا أنى م المحال

المرّة دى ممكن أعود

على إيد نبى ، أو إيد رسول

يانبى الله

ياخير الأنبياء والمرسلين

الأقصى أصبح مسئولية

البشر المسلمين

ويرحل الهادى البشير

وانا سجين ، غريب ، أسير

أبكى رحيل ضو القمر

لكن ما يفوت كثير

ويطل من خلفه عمر

باربع جيوش متسلحين

يا بركة الهادى الكريم

تمسح ايديك الطيبين

قهري ودموعى

ويضوى ذكرك كل حين

ما بين ربوعى

وترتجف بالشوق ضلوعى

وانا باضم المؤمنين

مفتوحة أحضانى لضيوفى

وددت حزنى .. وددت خوفى

إوعاكوا تانى تضعفوا .. وتغربونى

إو عاكوا تنسوا عزمكم .. وتضيعوني

إو عاكوا يغويكم شيطانكم

تشتروه ، وتبيعوني

مهما أقول .. يسمعن ميين ؟؟

ضعفوا تاني المسلمين

سابوا السراط المستقيم

وانضموا لجيوش العصاة

المدنبيين

من بعيد الغرب شموا

جهزوا أقوى الجيوش

رفعوا راية الصليب

بس بعقول الوحوش

دخلوا أرضى بالخيول .. دنسوها

كل ألوان التوحش .. جربوها

ومن ركام اليأس

من طول الأنين

صرخ الأمل فى الصدر

وازداد الحنين

لا بد ما يكون فى البشر

مخلص أمين

مارد بسيفه على الطغاة

للمسلمين صلاح الدين

هلّ بإيمانه على حطين

نفض تراب اليأس .. وهموم السنين

كون جيوش من اسود .. متطوعين

واستعاد صبر الصحابة الطيبين

بالحق سارت الجيوش

وبالضمير الكون يسير

حرم البسمة تزوره

طول ما أنا فى القيد أسير

ظهروا بالخير ربوعى

بلوا عطشى وسدوا جوعى

بس ليه م الفرحة خايف ؟؟

أصل انا شاهد وعارف

وحافظ العهد القديم

إن ضاع إيمانهم ضيعت منهم ..

وإن زاد إيمانهم كنت ليهم

الحضارة والمنازة للى تاه

حصن آمن للأئمة والدعاة

فاتت سنين

وانهارده الباغى مين ؟؟؟

الصهاينة .. الأمريكان المجرمين ؟؟

ولي ضعف المسلمين ؟؟

ولي جهل المرشدين

فى الشريعة والتاريخ ؟؟

علموا ولادى التفرنج

علموهم الطبخ

كسروا سيوف الكرامة

ربوا فيهم الأنهزام

حولوهم من عمالقة

سكنوهم الجحور ويا القبران

جحر واتلدغت ايديكم منه مرة

كل حين

ايه أقول .. وانه في مين ؟؟

ومين راح يسمع ندايا ؟؟

الملوك مشغولين ..

بالكنوز والصبايا

والشعوب غلبانيين

مطحونين ع الرحايا

خذ امتي هاعيش أسير

وانتوا أسرى جهلكم ؟؟

انا صحيح اليوم سجين

بس أنتوا قبلي في سجنكم

عليك .. ولكن

دوايا ناقص عندكم

مجروح .. ونازف

ماعاد شفايا يهمكم

ربي كريم

يجود عليا بجيل جديد .. من بعدكم

معاه أكون وأنسى .. هوانكوا وذلکم

أصيلة ..



أصيلة

يا أصيلة صحن نومك
الوجود محتاج لدورك
إطلعي من كهف ذاتك
شاركي مجتمعتك وناسك
وإحلمي بعالم جديد
إحلمي بعالم سعيد
وحدك إلهي هترسميه
يشبهك أو تشبيهه
المهم .. تحقيقه

العقول الجاهيلة
من زمان بيكتفوكي
وانتي تتحدى القيود
حاولوا ياما يخرسوكي
يجبوكي .. يفزعوكي

م التواجد ... م الوجود
أوهموكى إن كل ما فىكى عورة
حتى إسمك ... حتى فكرك
نسيوا إنك كنتى قمرة
لكى نور
ضوى فى كل العصور
مهما يطوية السحاب
السحاب لازم يزول

فى اليابان
بعد الحرب العالمية
شيلوكى المسئولية
علموكى إزاي تكونى
فى الشدايد والحروب
صامدة وقوية
دفنوا خوفهم والهزيمة

وبعزيمة أم صابرة على البلاء

وبحرارة الإلتواء

سقيتي جيل من بعد جيل

عشق الوطن

عشق الكرامة والعمل

عشق السلام والحياة والإنسانية

وبفضل صبرك ... وبارادتك

قامت النهضة الحديثة

في اليابان

وفي مجاعات الصومال والسودان

لفيتي على بطنك حزام

آه يا صابرة ع المقاسى والمفارق

في الجولان

واقفه بسلاحك لعرضك

واقفه بسلاحك لديك في الشيشان

فى الميدان

دافعه ابنك ويا جوزك

ضريبة الوطن المقدس

وانتى ما فى إيدك مسدس

تحمى بيه حتى الرضع

سلاك الحقيقى حسك

كل شئ فى الدنيا دى ممكن يضيع

إلا حقك .. عندك ربك

يا جميلة الجزائر

لسه دمك عطره فايج

بعد ما رحلت فرنسا

لسه عايمه فى المدايح

واللى دبحك مسلمين

تشكى سؤ حظك لمين ؟

ياما تعبك الإنتظار

من مقاطعة ومن حصار

فى العراق كنتى اليمامة

والنصور فى سماكى طابرة

وأنتى حابرة

تدارى خوفك؟؟؟

تهدى من خوف العيال؟؟؟

لكن محال تستسلمى

حلمك عنيد

لساكى برضو بتحللمى

بنهار جديد

نظرة عنيكى وحدها

خلقت مقاومة

فى كل دار وفى كل دولة

تنده بحقك فى الحياه

بس المزار فى حلقنا

بلغ مداه

يا أصيلة

ضاقت الدنيا بعذابها وبجراحها

وروحنا ضاقت

ع الإنسانية والطفولة دموعنا فاضت

إطوى أوجعنا بدعاكى وبصلاتك

إندهى بأعلى مافيكى

سمعى العالم نداكى

وإزرعى أغصان زيتون

حزمية بالغصون

توجيه أبراج الحمام

إبدرية بالمحبة والسلام

يا أصيلة

الوجود محتاج لدورك

إطلى من كهف ذاتك

شاركى مجتمعك وناسك

وإحلمى بعالم جديد

إحلمى بعالم سعيد


وحدك إالى هترسميه

يشبهك أو تشبيهه

المهم .. تحقيقه

المهم .. تحقيقه

زارعة بحرية



زرعة بهية

يا بهية

يا عيون أجمل جميلة

فى البلاد الأفريقية

إحنا حراسك وفاسك

إحنا أيديك العفية

الظروف تقسا عليكى

والعزيمة .. هى .. هى

الطريق للحلم يطول

والحمول عماله تتقل

وأنتى عودك صلب شايلى

فوق حمولك حمل غيرك

قلبك المبدور رسايل ربانية

دفى صدرك بالآيات القرآنية

أنتى ما ذلتى القوية

وسط أهلك وفى جيرانك

للى حبك .. واللى خانك

ليه منه مستحبة ؟؟؟

يا بهية

مهما تعبت تربتك

ولي قلت ميتك

زرعتك خضرة وندية

يحسدك كل من ينظر إليها

بس وانتى بتراعيها

حصنيها وأحرصيها

م الآفات الأجنبية

هى آفة لو تطول

دغرى تنخر فى العقول

والزهور هما الضحية

بايهية الآفة دية

عمله زى الإخطبوط
ليها ألف ذراع يدمر
وسط جو من السكوت
دغرى تزحف ع البيوت
والجذور كمان تموت
هى دى أخطر قضية
إكتبيها ... قولي فيها
دقى على كل الطبول
وأمنعيها م الدخول
وأبتري الإيد الردية
اللى ما تعرف ضمير
ولا إنسانية
واحنا حراسك وفاسك
احنا إيدك العقية


يا بيهية

يا عيون أجمل جميلة

فى البلاد الأفريقية

انتى ما زلتى القوية

أنتى ما زلتى القوية .



سافر یا طیر

سافر يا طير

سافر يا طير للى هجر
قول له القلوب من السفر ..
بقت حجر
تبعد .. تعود .. أو لا تعود
اللى يحاسبك ع الوعود .. هو
القمر

سافر يا طير للى هجر
واسأل يا طيرى اللى غدر
كان ليه بيهرب من القدر ؟؟
قول له القلوب حزينه ليه ؟؟
والطفل يجرح ليه ايديه
باللعبه بعد ما تنكسر ؟؟

سافر يا طير للى هجر

إحكي يا طير ما تعزبوش

إرفع ستار كل الوشوش

خليه يشوف لون الحقيقة

ما تمنعوش .. لو إنتحر

سافر يا طير للي هجر

غنى يا طير خليك صريح

غنوة جريح

بيداوى جرحه بدمعته

والليل مريح

يصبح تنور بسمته

قلوب البشر

سافر يا طير اللي هجر

قول له القلوب من السفر

بقت حجر

تبعد... تعود... أو لا تعود


اللى يحاسبك ع الوعود هو

القمر

هو القمر

سافر يا طير

کتابیں



آل اسلام آل

كدا بين

لما قالوا عنى لأنى بألف وش

لما قالوا أنى عرفت أزاى اغش

لما شاعوا عن مشاعرى

وحب قلبى لأهل بلدى

إنه كذب .. إنه غش

كانوا هم الكدابيين

كدا بين

ع الخديعة والنفاق متعودين

مال ميزان الحق ويا شرعهم

اللى يكذب بيتقى صادق

لو يسدق كذبهم

واللى يسرق بيتقى وطنى

بس يبعد عنهم

لو تقرب منهم

أو تحاول مرة تكشف غشهم

يشنقوك

على كل شارع فى المدينة يعلوذك

ويوصفوك .. إن لك ألف وش

وإن حبك لأهل بلدك

كله كذب .. كله غش

كدابين

متعودين .. ومعودين

الولاد الصغيرين على كذبهم

المصلحة هى الحكم

هى الرواية والقلم

مش مهم اللى أتظلم

البرئ اللى أتعدم

الشريف اللى أتوصم

السليم اللى أتقسم

المهم نقول نعم

والبصمة تلمع على الورق

واللى سرق مخلص أمين

واللى أَسْرَق هو اللعين

يا أمة الحق المبين

إزاي تكونوا مؤمنين

وبايذكوا نور الحق تاه

ليكم إله

إزاي بتقفوا فى الصلاة ما بين

أيديه ؟؟

إزاي بينده صوتكم الكذاب عليه ؟؟

إزاي نسيتم إنكم فى آخر المشوار

إليه ؟؟

فى كل يوم بتضيع حقوق

وقليل ما بتعود الحقوق

لازم نفوق

أبدا ما يسكن الشقوق غير الفيران

ولا يقبل تتغمى عينيه وبيات جعان

غير التيران

ومهما طال بيننا الزمان

لا بد ما ينون الأوان

وينعدل تانى الميزان

واللى قالوا عنى أنى بألف وش

واللى قالوا أنى عرفت أزاى أعش

واللى شاعوا عن مشاعرى

وحب قلبى لأهل بلدى

أنه كذب .. أنه غش

ينكتب على وشهم الكدابين

كدابين

كدابين

کلمیسی



كلميني

كلميني

مش كفاية تنام عنيكي جوه عيني

مش كفاية أحلم بصوتك بينا ديني

يا حبيتي

انتى عايشه فى الزمان ده ؟؟

ولي فى الزمن اللى فات ؟؟

مهما طال بينا السكات

برضو يوم هتكلميني

كلميني

جوا صمتك صبرى طال

رغم إنى فى لحظة واحدة

كنت بسمع ميت حوار

كلميني بصوت ضميرك

هتلاقيني فى لحظة جنبك

واقلى الخوف اللى عايش

جوا قلبك

واطمنى .. وأسمعنى

مستحيل هتبعدينى

كلمينى

يا حبيبتى ونور عينيه

افتحلى المشربية عشان أشوفك

كل نظرة بتبعيتها معاها خوفك

لون جبينك المندى بلون خدودك

حتى برضو خطوتك خجلانة

مش زى البنات

إنتى عايشة فى الزمن ده ؟؟

ولي فى الزمن اللى فات ؟؟

كلمينى

مش كفاية تنام عنيكى جوا عيني

مش كفاية أحلم بصوتك بيناديني

يا حبيبتي


أنتى عايشه فى الزمن ده

ولي فى الزمن اللى فات

مهما طال بينا السكات

برضو يوم هتكلميني

كلميني



غیر تینی

غیر تینی

معاکی انا واحد .. واحد تانی

غیر تینی

معاکی انا شاعر لکن بھرب

من شعری .. من نفسی

من دواوینی

معاکی انا فارس لکن بقتل

فرسی بیادی وبتھنینی

معاکی انا قائد لکن سلم

سیفہ ، وراپتہ ، وآوری طوینی

معاکی انا واحد .. واحد تانی

غیر تینی

حیر تینی

کنت بشوف نور الجنة

جوا عنیکی

عشت أنور كل شموعي

من حواليكى

واطلع فوق البرج العالي

لأوصل ليكى

لكن فجأة .. وقعتينى

جردتينى من أحلامى

وضيعتينى

معاكى أنا واحد .. واحد تانى

غيرتينى

بتحبينى « ضحككتينى

كان الحب فى قلبى مرايا

بتعكس ضوءها الباهى عليكى

كان الحب من جوايا

لحن وغنوة إتقالت فيكى

أما الحب ده بالنسبالك

أقفاص و عيون عصافير

عاوذة تطير

وسجنتيها .. وسجنتيني

بتحييني ..

يا أميرة

من كنوزك إرحميني

من قصورك إطردينني

إغرسيني جوا شعري

وازرعيني

رجعيلي السيف ورايتي

وحرريني

إحيي فرسي واطلقيني

رجعيني .. رجعيني .. رجعيني

معاكي أنا واحد .. واحد تاني

غيرتيني

